



PATRIMÒNI VO PAS...

Es dich e redi, li lengo regionalo auran pas jamai de dre garanti pèr la Coustitucioun...

Pajo 1

Prouvènço aro

Juliet-Avoust 2011

n° 268

2,10 €

Sènso lèi

L'ana-veni di proupousioun de lèi toucant li lengo e culturo regionalo es pas acaba.

Avisas-vous que la darniero prepausado pèr Armand Jung à l'Assemblado naciounalo agué pas l'ur de plaire en tóuti... Adounc "comte-tengu de l'ensèn di remarco facho pèr li camarado noun signatàri" es uno proupousioun de lèi reitificado que nous pourgis lou senatour de l'Eraut, Roubert Navarro, pèr "metre un terme à l'ipoucrisié frapant nòsti lengo e culturo regionalo".

De-segur, l'ipoucrisió a fa lume lou 20 de mai passa, quouro lou Counsèu coustituciounau a rendu sa decisioun n° 2011-130 QPC .

Bravas e bedigas, avian cresegu à la recouneissènço óuficialo di lengo regionalo, quand pèr la reformo de la Coustitucioun en 2008 nous an acourda un pichot article 75-1, que dis "li lengo regionalo apartenon au patrimòni de la Franço".

Èro qu'un miraiet, lou Counsèu coustituciounau a fini pèr dire lou verai dins si argumen : "aquei article n'istituís pas un dre vo uno liberta que la Coustitucioun garantís".

Fidèl à-n-uno jurisprudènci coustanto, valènt-à-dire "toujour parié", d'assetoun sus lou preambulo de la Coustitucioun refuson "de recouneísse de dre especific à d'ùni categorio de citouien, mai que mai quand es sus de territòri determina".

Sian lis indian de Franço.

Ansin quouro la proupousioun de lèi reitificado n° 251 fuguè baiado en coumessioun, Savié North, lou delegat à la lengo franceso e i lengo de Franço, manquè pas d'auboura aquelo bello restanco coustituciounalo.

Zóu mai, de sourti "la lèi dóu 4 d'avoust 1994, dicho lèi Toubon, qu'adoursado à l'article 2 de la Coustitucioun - la lengo de la Republico es lou francés - creó un dre rèn qu'au francés. Or, se se n'en tenèn à la decisioun dóu Counsèu, i'a pas dins noste país de dre à d'àutri lengo qu'au francés".

Adounc, tóut aquéli proupousioun de lèi, se podon discuti d'un coustat de l'autre, mai n'en faudra pas faire uno lèi, senoun tout sara tant lèu passa au trenchet de l'espaso dóu Counsèu coustituciounau.

Pèr aro, riscan pas rèn, la discussioun publico se debanara lou 30 de jun 2011. Nòsti valènt senatour despassaran pas lou capelet.

Bernat Giély

La rèino dóu Felibrige



Santo-Estello 2011

Tout lou debana de l'ufanous coungrès felibren.
Pajo 6

Manifesta à Toulouse

Lou 31 de mars, ié saren pèr apara la lengo d'oc e lis àutri lengo regionalo.

Engano en galèro

Publicacioun d'un novèu rouman de Bernat Giély.
Pajo 2

Messo au poun dóu CG13

« Lou Counsèu Generau di Bouco-dóu-Rose counsacro un buget de quàsi 30 milioun d'eurò à la renouvacioun dóu Museon Arlaten, musèu istouri de l'etnografio prouvençalo founda pèr Frederi Mistral, sus l'estiganço de n'en faire un musèu mouderne, baiant i vesitour dóu mounde entié un image atauu de nosto region. Li finançamen d'aquéu proujèt soun claramen dessepara d'aquéli de la Delegacioun à la Culturo Prouvençalo e la Lengo d'O, en plaço despièi 2004 au CG13. Es adounc pas possible d'escrière que lou buget « lengo e culturo regionalo » es esta desvira de soun usage primitiéu. » coume l'avèn mal-adrechamen représ d'uno marrido sourso. Auren, aques-te cop, de sourso seguro, de miés presenta l'ufanouso moudernisacioun dóu museon arlaten.